

UNIVERZITET U TUZLI

SENAT

Broj: 03-6094-1/20

Tuzla, 17.12.2020. godine

Na osnovu člana 43. stav (2) Zakona o visokom obrazovanju („Službene novine TK“, broj: 7/16, 10/16, 5/17, 15/17, 15/19 i 9/20) i člana 52. stav (1) tačka b) Statuta Univerziteta u Tuzli, uz prethodno pribavljeno Mišljenje Upravnog odbora JU Univerzitet u Tuzli broj: 04-4268-1-1/20 od 22.09.2020.godine i prethodno pribavljeno Mišljenje Ministarstva obrazovanja i nauke, Tuzlanskog kantona broj:02/1-34-19343-5/20 od 08.12.2020 godine, te Odluke o davanju prethodne saglasnosti Vlade Tuzlanskog kantona broj: 02/1-34-19343-5/20 od 08.12.2020. godine, Senat Univerziteta, na sjednici održanoj dana 17.12.2020. godine, donio je

### **ODLUKU**

#### **o izmjenama i dopunama Statuta JU Univerzitet u Tuzli**

##### **Član 1.**

U Statutu Univerziteta u Tuzli broj: 03-730-1/17 od 03.02.2017.godine i broj: 03-277-1-1.1/20 od 17.01.2020. godine, u članu 169. stav (2) mijenja se i glasi:

„(2) Redovni studij je studij koji se u skladu sa zakonom, ovim Statutom i drugim opštim aktima Univerziteta u Tuzli (u daljnjem tekstu: Univerzitet), realizuje prema studijskom programu zasnovanom na punoj nastavnoj satnici i na kojem su, upisani redovni studenti obavezni prisustvovati svim vidovima nastave, u skladu sa upisanim studijskim programom“.

Iza stava (2) dodaje se novi stav (3) koji glasi:

„(3) Vanredni studij je studij koji se, u skladu sa zakonom, Statutom, opštim aktima i studijskim programom Univerziteta, realizuje i za studente uz rad ili druge aktivnosti studenata, te koji ima prilagođene termine i način izvođenja nastave, a što se bliže reguliše studijskim programom“.

##### **Član 2.**

Iza člana 169.dodaje se podnaslov i novi član 169a. koji glasi:

##### **„Član 169a.**

**Organizovanje nastave putem online platforme**

(1) Ukoliko tokom akademske godine, od strane nadležnog organa bude proglašeno stanje prirodne ili druge nesreće ili proglašeno vanredno stanje uslijed čega dođe do prekida redovnog rada i funkcionisanja Univerziteta i uslijed čega, shodno mjerama i preporukama nadležnih organa ne bude moguće organizovati nastavni proces u skladu sa ustaljenim pravilima i principima realizacije studijskih programa, Senat Univerziteta može donijeti odluku da se nastava organizuje na daljinu, putem online platforme, u skladu sa prirodom i vrstom nastavnih aktivnosti.

(2) Organizacija nastave, u smislu stava (1) ovog člana bliže se uređuje pravilima studiranja za sva tri ciklusa studija, koja donosi Senat Univerziteta“.

### Član 3.

U članu 178. stav (1) mijenja se i glasi:

„(1) Akademska godina na prvom i integriranom prvom i drugom ciklusu studija u pravilu počinje prvog radnog dana u oktobru i u pravilu traje 12 mjeseci, a organizuje se u dva semestra, zimski i ljetni“.

### Član 4.

U članu 181. stav (1) u tački a) ispred riječi „studenta“ dodaje se riječ „redovnog“.

U istom članu stav (2) mijenja se i glasi:

„(2) Status studenta iz stava (1) tačke a) ima redovni student koji je upisan na prvi ciklus prvog i integriranog prvog i drugog ciklusa studija a) koji je, nakon okončane konkursne procedure rangiran među kandidatima koji se finansiraju iz Budžeta Kantona“.

Iza stava (3) dodaje se novi stav (4) koji glasi:

(4) „Status vanrednog studenta ima student koji je upisan na studijski program studija, koji sve troškove studija finansira samostalno, te koji studij pohađa na način utvrđen članom 169. stav (3) ovog Statuta.

Dosadašnji stavovi (4), (5), (6), (7), (8), (9), (10), (11) i (12) postaju stavovi (5), (6), (7), (8), (9), (10), (11), (12) i (13).

### Član 5.

Iza člana 181. dodaje se novi član 181 a) koji glasi :

„Član 181 a.

Izuzetno od odredbe stava (7) člana 181. Statuta, a) ukoliko je tokom akademske godine od strane nadležnog organa proglašeno stanje prirodne ili druge nesreće ili proglašeno vanredno stanje, uslijed čega je došlo do prekida redovnog rada i funkcioniranja Univerziteta, imajući u vidu mjere i preporuke nadležnih organa uslijed kojih nije bilo moguće organizovati nastavu u skladu sa ustaljenim pravilima realizacije studijskih programa u skladu sa prirodom i vrstom nastavne aktivnosti, Senat Univerziteta, posebnom odlukom može omogućiti studentu upis u narednu godinu studija i bez ispunjavanja svih ili samo pojedinih uslova propisanih zakonom i Statutom Univerziteta“.

### Član 6.

U članu 240. stav (5) mijenja se i glasi:

“(5) Ukoliko se na konkurs za izbor u zvanje višeg asistenta prijavi više kandidata koji ispunjavaju uslove za izbor, pri izboru će se uzeti u obzir sljedeći kriteriji:

- a) visina prosječne ocjene ostvarene na postdiplomskom/drugom ciklusu studija/integriranom prvom i drugom ciklusu studija,
- b) visina prosječne ocjene ostvarene na dodiplomskom/prvom ciklusu studija,
- c) broj objavljenih naučnih i stručnih radova,
- d) pokazana sklonost za nastavni rad,
- e) učešće u naučno-istraživačkim projektima,
- f) poznavanje jednog svjetskog jezika, najmanje srednjeg nivoa,
- g) intervju sa kandidatima, a koje će vrjednovati komisija za pripremanje prijedloga za izbor kandidata na način koji će se bliže utvrditi posebnim opštim aktom kojeg donosi Senat Univerziteta“.

U istom članu stav (9) mijenja se i glasi:

„(9) Ukoliko se na konkurs za izbor u zvanje asistenta prijavi više kandidata koji ispunjavanju uslove za izbor, pri izboru će se uzeti u obzir sljedeći kriteriji:

- a) visina ukupne prosječne ocjene ostvarene tokom studija,

- b) kandidat dobitnik najvećeg priznanja Univerziteta- student generacije Univerziteta,
  - c) visina prosječne ocjene iz uže naučne oblasti/nastavnog predmeta na koju/i se kandidat bira,
  - d) dužina studiranja,
  - e) pokazana sklonost za istraživački rad,
  - f) poznavanje jednog svjetskog jezika, najmanje srednjeg nivoa,
  - g) intervju sa kandidatima,
- a koje će vrjednovati komisija za pripremanje prijedloga za izbor kandidata na način koji će se bliže utvrditi posebnim opštim aktom, kojeg donosi Senat Univerziteta“.

#### Član 7.

U članu 254. u stavu (1) riječi „saradničko ili“ se brišu.  
U istom članu, u stavu (2) riječ „saradnička“ se briše.

#### Član 8.

U članu 261. stav (7) mijenja se i glasi:  
„(7) Za potrebe izvođenja nastave Univerzitet može za određeni vremenski period angažovati nastavnika iz Bosne i Hercegovine ili iz inostranstva u svojstvu „gostujućeg profesora“.

#### Član 9.

Član 290. mijenja se i glasi:

- „(1) Statut je najviši opšti akt Univerziteta.
- (2) Prijedlog Statuta utvrđuje Senat Univerziteta na prijedlog Rektora, većinom glasova od broja prisutnih članova Senata.
- (3) Na prijedlog Statuta, Upravni odbor Univerziteta daje mišljenje u roku od 7 dana od dana prijema prijedloga, nakon čega se isti dostavlja Vladi Tuzlanskog kantona radi pribavljanja prethodne saglasnosti.
- (4) Nakon pribavljanja prethodne saglasnosti Vlade, Senat donosi Statut većinom glasova od broja prisutnih članova Senata“.

#### Član 10.

U članu 293. u stavu (2) ispred tačke stavlja se zarez i dodaje tekst „u postupku propisanom za njegovo donošenje“.

#### Član 11.

Ova Odluka stupa na snagu danom donošenja.



PREDSJEDAVAJUĆA SENATA

Dr. sc. Nermina Hadžigrahić, red. prof.